



**Moscow nung prangbong bena  
alirtemi nisung 115 khaset**

**China-i tamendakdak maka Arunachal  
ya parnok meyong ta ashir: Jaishankar**

VOL. XXI ISSUE NO. 161 (ADOK 161) DIMAPUR AMUNGNÜ (SUNDAY) METSÜREMI (MARCH) 24, 2024 ₹ 5.00

## NPF candidate yariba atema BJP office raksatsü

**Imphal, March 23, 2024 (Agencies):** Honibarnü Manipur nung Bharatiya Janata Party (BJP) züngsem kari Senapati district party office raksatsügo.

Lok Sabha election nung Chief Minister N Biren Singh-i aniba BJP sorkari Outer Manipur Constituency nung Naga People's Front (NPF) candidate pusemtsü lemtetba anema BJP züngsementi iba mapa inyak.

Senapati district nung BJP züngsem kar tashiyim agi BJP office nungpoka atu aser idakji aliba osettem raksatsü ta osang angazüker.

BJP züngsem kari Outer Manipur constituency atema BJP ticket aginüa liasü saka lennirtemi BJP candidate pusemtsü lemtetba anema tejashi nung iba mapa inyak.

Iba mapang Senapati district party unit president Th Thaikho Peter aser tanga ketcangpurtem

office nung maliasü ta osang ajanga ashir.

"BJP president JP Nadda-i tuyuba ama BJP-i Meghalaya (Shillong & Tura) nung NPP Lok Sabha candidate tem, Outer Manipur constituency nung NPF aser Nagaland nung NDPP candidate tem yaritsü osang metedaktsür" ta BJP in-charge for the northeast Sambit Patra-i Hokolbarnü shia liasü.

"J.P. Nadda lenisüba kubok Bharatiya Janata Party (BJP) lemtet sülen anidaka aser teloktep tangatetba nung ajemdaker BJP-i Outer Manipur Constituency nung NPF candidate pusema nungittü tepele osang lemsateper" ta Manipur Chief Minister N Biren Singh-ia metedaktsügo.

2019 Lok Sabha elections nung BJP-i NPF den yaritepa Outer Manipur constituency nung toktep saka tamakok ngua liasü.

## PM Modi-i mozü ki ka lapoktsü; Bhutan-i naroküm agütsü



March 23, 2024 nü Thimphu nung Prime Minister Narendra Modi aser Bhutan Prime Minister E. Tshering Tobgay na külemi agiba noksa ka angur.

**Guwahati, March 23, 2024**

**(Agencies):** Prime Minister Narendra Modi aser Bhutan Prime Minister E. Tshering Tobgay nati Gyaltsuen Jetsun Pema Wangchuck Mother and Child Hospital lapoktsügo.

Iba mozü ki ya Thimphu nung lir aser India-i senotsü teyari agia yangluogo.

Yipden 150 aliba Gyaltsuen Jetsun Pema Wangchuck Mother and Child Hospital yangluba nung India sorkari shilem ana lemsar senotsü teyari agütsü.

Mezungbuba shilem nung India sorkari Rs. 22 crore agütsü aser 2019 nungi mozü ki lapoka liasü. 2019 küm 12th Five Year Plan nung shilem ka ama India sorkari iba mozü ki atema Rs.

119 crore lemlükja liasü.

Iba senden nung mendenji Vice President Vikato Achumi liasü, Vice President Temsukop Jamir-i temoatsü meshia sarasadem aser President Y. Kikon-i tesentepertem pelaa agizük ta Media Cell, DDCF-i sangdong ka nung ashi.

Iba mozü ki tasen ajanga Bhutan nung mother aser child health services tajungba akümtsü. Iba mozü ki nung Paediatrics, Gynaecology and Obstetrics, Anaesthesiology, Operation Theatre, Neonatal

Intensive Care aser Paediatric Intensive Care facility tem agütsütsü.

India-Bhutan tsüngda health care nung tesantaktepji Gyaltsuen Jetsun Pema Wangchuck Mother and Child Hospital ajanga sayur.

Külen, Hokolbarnü Bhutan Chuba Jigme Khesar Namgyel Wangchuck-i Prime Minister Narendra Modi nem Order of the Druk Gyalpo agütsülo.

Iba ya Bhutan nung civilian honour tematiba lir aser bendanger Prime Minister ka nem iba naroküm mezüng agütsübaji tang Narendra Modi nem agütsüba ya lir.

Order of the Druk Gyalpo agütsü tenzükba sülen nisung pezü nem dang agüja lir. Parnokji Queen Grandmother of Bhutan Ashi Kesang Choden Wangchuck (2008), Je Thrizur Tenzin Dendup (68th Je Khenpo of Bhutan) (2008) aser Je Khenpo Trulku Ngawang Jigme Choedra (2018) nunger lir.

"Bhutan-i Order of the Druk

Gyalpo Award agütsüba atema pelar. Ni iba sempetya India nung crore 140 nem bendanga agütsür" ta PM Modi-i metedaktsü.

PM Modi-ia Bhutan nem taruba küm pungu tsüngda Rs 10,000 crore teyari agütsütsü nangzük.

December 17, 2021 nü 114 buba National Day amongdang Bhutan Chuba Wangchuck-i iba sempet PM Modi nem agütsütsü sangokja liasü. March 22, 2024 nü PM Modi-i Bhutan semdangi aodang pa nem iba naroküm agütsügo.

Honibarnü PM Modi India-i meyipa arutsü atema Paro International Airport-i aodang Bhutan Chuba Jigme Khesar Namgyel Wangchuck aser PM Tobgay naprong tayimtsü anendaki aru.

"Ni Delhi-i apusoa arudang Bhutan Chuba Jigme Khesar Namgyel Wangchuck-i tayimtsü anendaki aruba ya maongka ulura lir" ta PM Modi-i metedaktsü.

## DDCF-i Dimapur district renlokdaiksünür

**Dimapur, March 23, 2024 (TYO):** March 23, 2024 nü Dimapur District Citizens' Forum (DDCF) senden ka amendang Dimapur District renloktsü asoshi jembiog.

"Dimapur district renloktsü atema Naga Council Dimapur den teka amteper inyaksangshia aotsüla" ta DDCF advisor Joseph Lemturi-i jembidang ashi.

Paisa Dimapur nung traffic timtem ajema akümtsü atema Amar Mill (Nagaland Gate) nungi Burma camp tashi gari lenmang ka yanglutsü osang lemsatep.

Dimapur nung ozüng alema tax onsara aruba atema DDCF-i NCD kubok Dimapur District

Grievances and Welfare Committee pusema nungittü bangemtep.

Senden nungsa Dimapur railway station Platform no 2 & 3 nung kilem maliba aser Platform no 2 & 3 tsütsü foot overbridge nung tenokdangba aliba onüktem benoka lemsatep aser iba khuret bangdak ketdangsürtem dangi abentsü lemtet.

Iba senden nung mendenji Vice President Vikato Achumi liasü, Vice President Temsukop Jamir-i temoatsü meshia sarasadem aser President Y. Kikon-i tesentepertem pelaa agizük ta Media Cell, DDCF-i sangdong ka nung ashi.

"Onok rongsen maliyonga maneni raratsü kechiyong onoki nübortem teyari agia noktaktsü aser elections nung takok angutsü. BJP-i electoral bonds ajanga black money bener arutsü ta nübortem ashioctsügo aser iba ya BJP-i ochimashi tasa tulutiba atonga inyakba lir" ta Antony-isa metedaktsü.

"Congress-i tax magütsür ta shia BJP sorkari onok indang bank accounts shibangtsügo, saka linük nung koba national political party-i tax agütsür. Electoral bonds nung BJP-i Rs 9000 crore tema nguogo. Anungji BJP noktangtsü atema ED, CBI,

ashikülaker investigation officers aser money laundering clauses kong lir?" ta Congress lennirisa asüngdang.

"BJP-i black money agentsü ta shia tim masüba inyakyim agi black money aitdaktsügo. Küntem süia arudang BJP-i pharmaceutical companies nungi sen meshia agi aser item company temi cough syrups, Blood Sugar tablets aser Covid vaccine tamajungtem yanglu" ta AICC National Spokesperson-isa ashi.

"Narendra Modi-i aniba BJP sorkari electoral bonds nem tenla agütsür company nem Rs 4 lakh crore jungnüs contracts agütsü. Ajisüaka chichiba donors ajanga Congress nem tenla agütsü saka BJP-ibo black money aser contractors nungi tenla angu" ta pai ashi.

"BJP-i Congress Party bank accounts sota ayuba ajanga nüboyimba maparen nung

timtem agütsür. kechiba BJP aser Modi nungeri Putin ama opposition amokbanga ayutsü meranger?" ta Mathew Antony-isa asüngdang.

BJP-i tashitait political party ka indang accounts shibangtsü aser non-BJP states nung Chief Minister tem apur. Anungji nübortemi tashiyim amshiba sorkar ka asü mesüra Constitution ajanga temeten agütsüba ama litetba sorkar ka aginür telemeteba agitsüla, ta pai ashi.

"INDIA Alliance sorkari tezüngzüktep agiba sülen tetsürtem, mapa manguba aser jenjang atuba ken o tem atema inyaktsü. Onoki nübortem tebilemtsü atema inyaktsü aser aluyimer nem MSP agütsütsü. Onoki sorkar kümlü mapa lakh 30 agütsütsü aser lanur o tetsür asoshi welfare schemes aika tenzüktsü" ta pai ashi.

"Congress-i MLA 60 den

tokteptsü saka item MLA temi teinyaktsü mapa meinyaker ta nübortemi meteta lir" ta NPCC president aser INC candidate S. Supongmeren Jamir-ia ashi.

"BJP sorkari nübo agi tangar memeneptem anema inyaker aser iba ajanga Khristantem dak kongshir. Anungji vote enoktsürtem kanga shisa akatsüla aser nübortemi Congress nem vote enoktsütsü imlar" ta pai ashi.

Parliament nung noktaktsü maongka ngura ni New Pension Scheme nungi Old Pension Scheme melentsü atema jembitsü kechiyong iba ajanga Nagaland nung pensioners 33,000 tema dak kongshir ta Supongmeren-isa ashi.

"Nübortem aser talisa lanuputui iba sorkar agi laktetogo kechiyong sorkari kecha meinyaker. Nübortemi iba sorkar dak teimla samaogo" ta Mathew Antony-ia ashi.

## Nübortem teyari agia Congress-i BJP atsüngdoker taruba sorkar akümtsü

**Kohima, March 23, 2024 (TYO):** BJP-i Congress indang bank accounts sota yuaka aser election matongdang ochimashi electoral bonds inyakaka nübortem teyari ajanga taruba Lok Sabha elections nung Congress-i takok angutsü ta AICC National Spokesperson Mathew Antony-i ashi.

Honibarnü Congress Bhavan, Kohima nung osangbener den jembidang "tang ya Congress party atema mapang tamajung ka lir saka linük ajungalen nübortemi onok pusemer" ta Mathew Antony-i ashi.

"Congress tensa mejungaka onok ya küm 139 tain party ka lir aser nübortem tashi dena iba linük nüjiso angutsü atema onoki raraogo. Onoki nübortem tashi dak tamang akar aser India nung alirtemi onok yaritsü ta temulung alemer" ta pai ashi.

"Congress-i bendanga

agütsütsü renema lir aser iba linük nung nübortem asoshi elections nung tokteptsü. Iba election ya Congress party atema tokteperba masü saka Prime Minister Modi aser BJP'er tashiyim sorkar anema rarer" ta paisa ashi.

"Onok rongsen maliyonga maneni raratsü kechiyong onoki nübortem teyari agia noktaktsü aser elections nung takok angutsü. BJP-i electoral bonds nem tenla agütsür company nem Rs 4 lakh crore jungnüs contracts agütsü. Ajisüaka chichiba donors ajanga Congress nem tenla agütsü saka BJP-ibo black money aser contractors nungi tenla angu" ta pai ashi.

"BJP-i Congress Party bank accounts sota ayuba ajanga nüboyimba maparen nung

timtem agütsür. kechiba BJP aser Modi nungeri Putin ama opposition amokbanga ayutsü meranger?" ta Mathew Antony-isa asüngdang.

"INDIA Alliance sorkari tezüngzüktep agiba sülen tetsürtem, mapa manguba aser jenjang atuba ken o tem atema inyaktsü. Onoki nübortem tebilemtsü atema inyaktsü aser aluyimer nem MSP agütsütsü. Onoki sorkar kümlü mapa lakh 30 agütsütsü aser lanur o tetsür asoshi welfare schemes aika tenzüktsü" ta pai ashi.

"Congress-i MLA 60 den

## Raj Bhavan Kohima nung Bihar State Foundation Day amung



Raj Bhavan Kohima nung Bihar State Foundation Day amung dang tangokba noksa angur.

**Dimapur, Metsüremi/March**

**23 (Agencies):** Raj Bhavan Kohima nung aliba Dr. Imkongliba Ao Hall nung March 22, 2023 nü Nagaland nung aliba Bihar nunger den Bihar State Foundation Day munga liasü.

Iba sentong nung Nagaland Angh La Ganesan aden aser Bihar indang Angh Rajendra Vishwanatha Arlekar-i yokba message ka video ajanga sayua liasü.

Iba sentong nung jembidang, iba benjompung yagi 'unity in diversity' tali tejangjaba sayur, koba ajanga asen linük taktepa lir, ta Nagaland Angh-i ashi.

Centre-i atontetba Ek Bharat Shrestha Bharat ya asen linük nung sobaliba tajung agizüka akumtsüboa aser liromedema alitsü asoshi lir aser asen linük lungjemtsü atema sobaliba ajak tongtipang, ta pai ashi.

Geographical tsütsü meta talang pilar liaka Bihar aser Nagaland tsünta tesendaktep ya rongsenketzung aser social exchanges agi kanga junga taktepa lir, ta pai ashi.

Nagaland rongsenketzung nung Bihar nunger shilem tajung agia parnoki meranga inyaker aser mapa inyaktsü meteta alirtem arur aser entrepreneurial taniüla adokdaktsür, ta ashi.

Aluyimba nungi shisaliok tashi, kisü-jensüba nungi commerce tashi parnoki shilem agiba asadangtsü makok. Bihar nunger aluyimer, tesayur, professionals aser shishilempar temi pei sempet lemsatepba kistüng masü saka Nagaland ya parnok ki ama kumdkaja terenlok nung parnok takum bendanga liasü.

Ano Bihar aser Nagaland tsünta cultural exchange aluba ajanga sobaliba tsütsü liasü.

tesendaktep tajungba kumdkatsür, kati ka tali tajungba angateter aser agizükteter. Raj Bhavan Kohima nung Bihar Foundation Day amungya yagi asen linük telungjem nung aliba tanüla sayur aser kin balala dak asen tashi aliba sayur, ta Angh La Ganesan-i ashi.

Angh-isa iba sentong nung adener ajunga dang item libaliru yimya külem senso tsünta tesendaktep akangshitsü ayongzük.

Iba sentong tenzüka Secretary to Governor, Rajesh Soundararajan, IAS ajanga iba anogomung teratet ashi aser Deputy Commissioner, Kohima, Kumar Ramikant, IAS ajanga Bihar state indang nung jembia liasü.

Maneni sentong nung sangro azüngba, Bihari Folk songs & dances aser linük naklo ken tena liasü.

Cyber safety & security indang workshop ali

**Kohima, Metsüremi/March**

**23 (TYO):** National Commission for Protection of Child Rights (NCPCR) aser Nagaland State Commission for Protection of Child Rights (NSCPCR) ajanga Kohima nung March 22, 2024 nü 'Cyber safety and safety & security of children in school' indang state level workshop ka ayongziika liasü.

Iba sentong nung jembidang, tanü tendak tanur indang cyber safety & security onük ya kanga tongtipang kumogo, ta Secretary, Department of Social Welfare, Martha R. Ritse-i ashi.

Tanü digital putu nung mobile phone, computers aser internet ya anogoshi takum libaliru nung tongtipang shilem ka kümogo aser angazüktü aser tesendaktep atema internet nung maongka zünger mezungmai agütsür, saka asen tanurtem asoshi lendong tuluba akumer, ta lai ashi.

Internet ya cyber-bullying, online predators, tim masüba content, scams aser danga cyber crime aliba tesep ka kumogo, ta lai ashi.

Item ya mashishi yutsüra tanur ka tekolok shisatsü, takum Th Muivah-i NSCN-IM tenzüker küm 60 jungogo



**Dimapur, Metsüremi/March**

**23 (TYO):** NSCN-IM indang general secretary aser ato kilonser Thuingaleng Muivah-i küm 60 buba linük tenzükba aser pa arishi küm 90 ajungba nüngtem nung sentong ka Honibarnü camp Hebron nung agia liasü.

Iba sentong nung jembidang, Major General Suresh Kumar Bhambaru, Sena Medal, Inspector General Assam Rifles (East) den Colonel Rajiv Chaudhary, Bar to Sena Medal, Officiating Commandant Assam Rifles Training Centre and School aser Indian Army aser Assam Rifles nungi tanishirtem dena liasü.

Tatem nung pai parnok aser parnok tsürabor nem tenüng sang agütsü aser tarutsü wadang nung takokba aser tepelea alitsü imlatsür, ta shia liasü.

Tang tasen passed out Rifleman tem ya pei unit bushia aotsü aser maneni linük tenzüktsü.

Passing out parade agiba sülen Reviewing Officer-i best Recruit Operator Radio Line P Shashi Kumar, best recruit in Information & Technology Recruit Operator Radio Line Kunal Bol, best recruit in Radio Communication Recruit Operator Radio Line Akash Lakra aser Best Recruit in Line Communication Recruit Operator Radio Line Kunal Mahto nungertem ajurua liasü.

1960s aser 1970s nung China nungi tenzüka pai alima nem Naga nunger agizükdaktsüba aser angatetdaktsüba nung Muivah-i shilem tulu agia lir, ta NSCN-IM Yaruwo, Q Tuuccu-ia ashi.

Asür Isak Chishi Swu den

libaliru aser temang nung timtem balala agütsütsü, ta ashi.

Anunghi nisung ajaki tanurtem online inyakyim kanga junga meita alitsü kanga tongtipang lir, ta Ritse-i ashi.

Tsürabor, educator, caregivers aser lokti nung züngsem ka ama asenoki tanurtem mashi lenmang nungi jenbuua anitsü arok teblemtsü lir, ta ashi.

Cyberspace nung aliba lendong timtem nungi tanurtem kumzüka alitsü asoshi asenoki meteta alitsü nüngdaker.

Tanur ka temeden kodanga mezungshi metoktsütsüla aser tanur ka takum junga anitetsü tsürabor mapa lir, ta Chairman NSCPCR, Alun Hansing-i ashi.

Tila tanurtem ya linük indang tongtiret lir, anungji tetsübo makai tanurtem lenmang shidak nung anitetsü asen mapa lir, ta pai ashi.

Technical session nung NCPCR Cyber Expert Somashree Das-i 'Cyber safety and security of children' onük nung ajemdaker jembi aser Additional SP (Cyber Crime) PHQ Nagaland, Michael Yhome-i cyber safety and security tsütsü Nagaland dak rangloker jembia liasü.

## ARTC & S, Shokhuvi nung attestation parade kaogo



**Dimapur, Metsüremi/March**

**23 (TYO):** Assam Rifles Training Centre and School, Shokhuvi nung aliba parade ground nung March 23, 2024 nü sepai züngsem tasen 300 kanga nunga tsüngkak medema jaja liasü.

Battle craft, weapon handling, jungle lane shooting aser Counter Insurgency operations nung takotet akumtsü atema hopta 56 tashi training balala agiyonga aruba tembanga iba special attestation parade ya agia liasü.

Iba attestation parade ya balaka liasü, kechiaser yangi technical entry recruits of Operator Radio Line (ORL) Trade dang liasü aser parade ya Technical Entry Scheme (TES) nung tanishir Maj Rishabh Rana lenisüba kubok agi, shiba mechanical engineering nung B Tech renemer ARTC & S nung posting lir.

Iba attestation parade

nunga Major General Suresh Kumar Bhambaru, Sena Medal, Inspector General Assam Rifles (East) den Colonel Rajiv Chaudhary, Bar to Sena Medal, Officiating Commandant Assam Rifles Training Centre and School aser Indian Army aser Assam Rifles nungi tanishirtem dena liasü.

Iba sentong nung jembidang Major General Suresh Kumar Bhambaru-i jembidang linük nung Assam Rifles ya paramilitary forces tambosang lir ta ashi aser otsü tejen aser mapa tajung balala inyakba indang ashi.

Assam Rifles temi Northeast India nung arütsü anüker, telungpur den rarar aser tzüzung-ozüng amshia azüoker, ta pai ashi.

Assam Rifles nung inyaktsü nübü tasen shimer nem mapa jenti nunglokja aliba indang pai ashi aser züngsem tasenpur dang nendaka agüja linük

tenzüktsü ayongziika liasü. Technical Trade sepi asoshi mapa tali tuluba lir, kechiaser general duty trained military soldier dang nungi parnok mapa timba lir, ta Major General Bhambaru-i ashi.

Tatem nung pai parnok aser parnok tsürabor nem tenüng sang agütsü aser tarutsü wadang nung takokba aser tepelea alitsü imlatsür, ta shia liasü.

Tang tasen passed out Rifleman tem ya pei unit bushia aotsü aser maneni linük tenzüktsü.

Passing out parade agiba sülen Reviewing Officer-i best Recruit Operator Radio Line P Shashi Kumar, best recruit in Information & Technology Recruit Operator Radio Line Kunal Bol, best recruit in Radio Communication Recruit Operator Radio Line Akash Lakra aser Best Recruit in Line Communication Recruit Operator Radio Line Kunal Mahto nungertem ajurua liasü.

1960s aser 1970s nung China nungi tenzüka pai alima nem Naga nunger agizükdaktsüba aser angatetdaktsüba nung Muivah-i shilem tulu agia lir, ta NSCN-IM Yaruwo, Q Tuuccu-ia ashi.

külemi Muivah-i alizing tasen ka tongteta August 3, 2015 nung Government of India den otsüsütsü Framework Agreement zülutepa liasü. Asen Naga lima awak aser temeden wazüka ayuba atema Naga nunger nüdang sensütu lir, ta pai ashi.

Pa Naga political movement nung tetsüng ajemokba ajanga NSCN ya Naga political movement indang namanir ka kumdkatsür, ta ashi.

Mapang talangka jembishinüa arudang Muivah-i India kettangsür dang asen nübur aser asen puti otsü asangsang nung angatetdaktsü, ta NSCN-IM Kedallo, Tongmeth Wangnão-i ashi.

Parnoki asen puti otsü ya khenyongi balaka dang angatetogo aser tarutsü putu asoshi ibaji tamendak dak tajung asütsü.

Nai rara tajung raraogo aser nai asen linük asoshi meranga inyakba aser bendanga agütsüba atema pelar, ta pai ashi.

Iba sentong nung Naga nunger aliba tesemtem nungi kaketshir aser tetsürtém densema lokti tentet balala nungi lenirtemi jembia liasü.

## Delhi nung AAP office shibangtsüogo



March 23, 2024 : Delhi Minister aser AAP lenir Atishi Singh den party züngsem aser pusemertem Delhi Chief Minister Arvind Kejriwal apuba anema Shaheedi Park nung longkak aitba mapang tangokba noksa nung angur.

**New Delhi, Metsüremi/March 23 (Agencies):** Honibarnü Delhi nung Aam Aadmi Party (AAP) office shibangtsüba dak sendakba nung party lenir tejentemi ken o ashishio go aser iba ken o ya Election Commission dangi abentsü tenangzükba agütsüogo.

AAP lenir Atishi-i social media sabang X ajanga party indang office shibangtsüba atema süoki ia bilemba lemsatepogo aser ashiba agi, iba ya India temzung ozüng nung tenangzükba agütsür aliba ama election nung "level playing field" tangatetba anema lir.

"Lok Sabha election mapang kodasü national party ka indang office mamshittetsüsa kümdaktsü? Iba ya Indian Constitution nung tenangzükba

agütsür aliba 'level playing field' aser iba ken o ashishitsü atema Election Commission dangi mapa meshidat," ta Atishi-i ashi.

Kasa mapang nung ano AAP lenir, Saurabh Bharadwaj-i, party office shibangtsüba atema Union sorkar aitsüogo aser mapang ajak nung aser talisa Model Code of Conduct benoka aliba mapang tebendang makai inyaksangshitsü koda tongtibang iba indang lemsatepa liasü.

"Onoki EC den tongteptsü. Centre sorkari ITO nung AAP indang head office shibangtsüogo aser ajia Model Code of Conduct benoka aliba mapang shibangtsüogo," ta Pai ashi.

Central Delhi nung ITO anassa DDU Marg nung

amenoka aliba AAP office ya Hokolbarnü party lenirtem aser volunteer temi BJP headquarters anasa longkak aita aliba mapang shibangtsü.

Bharadwaj-i ashiba agi, pa aser Atishi densema minister tem party office amshitsü memelar aser iba ajanga election mapang national party office ka shibangtsüba tetezü ya kechi ta tasüngdangba adoker.

Paisa, Atishi kidangi mener oa aliba gari dena police-i sota liasü.

X sabang nung lemsatepa video ka nung Atishi, Delhi police ketdangsür ka den asatepba nguogo aser kasa mapang nung ketdangsürtemi temelaba magütsüba atema AAP lenirtemi lenmang nung longkak aita nguogo.

## Warship INS Kolkata nung pirate 35 pua bener aruogo

**Mumbai, Metsüremi/March 23 (Agencies):** Somalia tzüküm anasa apuba tzüyim nung rakzürakdemertem (pirates) 35 anir Warship INS Kolkata Honibar anepdang Mumbai tonga aruogo, ta Navy-i metedaktsü.

Item rakzürakdemertem ya Mumbai police nem bendanga agütsüogo. Tang benoka aliba Operation Sankalp nung shilem ka ama iba inyakyim ya benoka inyakogo, kong India Navy indang rongtem, tzüyim nung senzürtem aser shishilembartem kümzüka toktsütsü atema Arabian Sea aser Gulf of Aden-i yoka liasü.

"Tzüyim nung rakzürakdemer 35 anir INS Kolkata March 23 nü Mumbai tonga aruogo aser item rakzürakdemertem ya India temzung ozüng aser mejeta

Maritime Anti Piracy Act 2022 dak ajemdaker jenjang tapet agütsü atema local police nem bendanga agütsüogo," ta Navy-i ashi.

March 15 nü nungi tenzüka Anogo 40 tashi meita aoba sentong ka ayongzüka agiba mapang Indian Navy indang Information Fusion Centre - Indian Ocean Region from UKMTO nungi osang tejangja ka angazükba sülen INS Kolkata-i rakzürakdemertem indang rong ex-MV Ruen menepa ao. Iba rong ya shishilembartem amaktsü atema Mother Ship ama amshia liasü.

March 15 nü INS Kolkata-i iba rong ya menepa ao. INS Kolkata anguba sülen iba rong ya lenmang melener Somalia tzükümleni jena ao.


INS Kolkata-i International Law, aser talisa United Nations

Conventions on the Laws of the Sea dak ajemdaker bushisüngdangtsü atema iba rong dang anentsü tetuyuba agüja liasü. Ajistiaka iba rong yagi tashi manga aser anentsü melena injang khaloktsü tenzük.

"Iba sülen INS Kolkata-i kinetic measures balala amshia rong ya anendaktsü aser rakzürakdemertem bendanga agütsüdkatsü," ta kasa sangdong ajanga metedaktsü. Iba meita aoba sentong nung INS Kolkata nem INS Subhadra-i teyari agüja liasü.

Maneni India Navy-i Indian Air Force den sendaktepa C17s amshia Marine Commandos tem tzüyim nung iba rong anasa tsüdkatsü.

Indian Navy P8I tayimtsü, Sea Guardian UAV, rong indang helicopters aser spotter drone temi anüng nungi teyari agüja liasü.



## China-itamendakdak maka Arunachalya parnok meyong ta ashir: Jaishankar

**New Delhi, Metsüremi/March 23 (Agencies):** China-i Arunachal Pradesh ya parnok meyong ta shia aruba ya tamendakdak maka ta shia External Affairs Minister S

Jaishankar-i Honibarnü iba state ya India nung shilem ka lir, ta ashir. China-i Arunachal ya parnok meyong ta ashira India-i magizükba sülen anogo ka lir Jaishankar-i iba olen lemsatepa liasü.

"Iba ya ken o tasen ka masü. Iba takhangba ya tetenzük nungi tamendakdak maka asü aser tanga tamendakdak maka," ta Jaishankar-i, Singapore nung NUS Institute of South Asian Studies nung lectur ka agütsüba sülen ken o asüngdangba mapang telangzüba agütsü. Pa tang anogo asem atema Singapore-i oa lir.

"Onoki iba ken o kanga jangja lir aser onok tamendakdak masetshi-i arudar aser iba ya

tang sensaksema aliba arrtsü ken o nung shilem ka asütsü," ta paisa shisem.

China-i, Arunachal Pradesh ya South Tibet ta ashi aser 'Zangnan' ta nüngja agütsüogo. China-isa India nunger lenirtemi iba tesem semdangba aija arudar. Tawa Ato Kilonser Modi-i Arunachal Pradesh semdanga Sela Tunnel linük nem bendanga agütsüba dena China-i aitsüogo.

"Onoki India dang arrtsü dak sendakba nung ken o benjatsüa jenjang kecha magitsü aser arrtsü yimjung nung toktsütsü akhanger," ta China indang defence ministry otongdar Colonel Zhang Xiaogang-i ashi.

Kasa mapang nung China-i iba state parnok meyong ta ashira ya India-i iba hopta tetenzüklen aitsüogo aser ashira agi, ken o dak sendakba nung tamendakdak maka maneni lepshia jembiba ajanga iba takhangba ya shitak mekümdaktsü.

## Himachal nung Congress nungi anentsüba MLA 6 BJP nung denogo

**New Delhi, Metsüremi/March 23 (Agencies):** Himachal Pradesh nung taoba mapang MLA trok shirnok Congress legislators ama mapa nungi anenja liasü, parnok Delhi nung BJP nung denogo.

Taoba mapang MLA 6 ya Union Minister Anurag Thakur aser taoba Himachal Chief Minister Jai Ram Thakur matsüngdang BJP nung dena liasü.

MLA trok- Sudhir Sharma, Inder Dutt Lakhpal, Ravi Thakur, Chetanya Sharma, Rajinder Rana aser Devinder Kumar Bhutto nunger ya February 29 nü disqualify süja liasü. Cut motion ka aser budget session nung House-i arua Himachal Pradesh sorkar pusema vote agütsütsü asoshi party whip kati tetuyuba agütsüba tashi mangaba ajanga parnok disqualify süja liasü.

PTI sangdong ka ajanga ashira agi, Thakur-i taoba mapang Congress MLA tem ya par party-i pelashishia agizükogo aser parnok densemba ajanga BJP tali tashi aitsü ta ashi.

Paisa, state nung tenangzükbatem mataloktsüba atema Congress sorkar aitsüba den iba ajanga nüburtem kanga temulung masür, ta shisem. Thakur-i ashira agi, tawa Rajya Sabha election mapang item lenirtem yagi BJP nem teyari agütsüba ajanga Congress sorkar dang nüburtem kanga mepelaba

sayur.

February 27 nü Rajya Sabha elections nung Bharatiya Janata Party (BJP) candidate Harsh Mahajan nem Independent MLA asemi teyari agütsüba sülen parnok asemprongla Congress party nungi disqualify sütsür aliba MLA trok den hopta ka dak tema Delhi nung mongzüker Hokolbarnü assembly nung resign asüba sülen tang anogo ka lir iba ya atalokogo.

Independent MLA asem ya Dehra nungi Hoshiyar Singh, Hamirpur nungi Ashish Sharma aser Nalagarh nungi KL Thakur lir aser parnok asemi assembly nungi resign süja parnok indang resignation shiti Vidhan Sabha secretary Yashpal Sharma nem agütsüogo.

"Onok asemprongla BJP nung adener. Onoki taoba mapang Congress pusemogo, ajistiaka onok nem akhümtsübu tim magütsü. Iba dak alaka onok indang constituency tem nung inyakyim balala benoka inyaktsü tetsüdkatsü adoker, anungji BJP nung adentsü telemtetba agiogo," ta MLA asem yagi ashi.

Züngsem 68 agi kümvetba House nung tang MLA 59 dang kümogo. House nung tang Speaker densema Congress MLA 34 aser BJP MLA 25 lir.

June 1 nü Lok Sabha menden pezü den repsema assembly constituency trok atema by-elections agütsü.



March 23, 2024 : BRS lenir K. Kavitha, Delhi excise policy dak sendakba ken o nung Rouse Avenue Court-i anir aoba noksa nung angur.



# TIR YIMYIM

## YIMOBILEM (EDITORIAL)

DIMAPUR AMUNGNÜ, MARCH (METSÜREMI) 24, 2024

### Mebilemba mapa aser mapang

**A**nogo ishika jakdang, Yisu Khrista gado rongdong nung mener Yirusalemi aiba anogo nung, iba gadojia ali nung majemdakdaktsüi sü aser süngdong nungi kongsangtem lepzüker lenmang nung lemtsüba anogo nungbo, ashiko nütsüngtem teranaprongla Yisu amenba gado jakdangji mesüra iba anasaji külemkülem aotsü merangertem tiemba ser südi ta nükla dangi arua bilemer. Iba anogo nung telok ajaki Yisu Khrsta tenüng sanga 'Hosanna' ya ayimten. Telok ajaki pa tushia ayimtener aser Pa pukümer dang asünungji nütsüngtem ajak tasütait, tamang nung takang aser kodanga Yisu toktsür maotsü aser majentsü purtem ama liasü. Aji oda, iba ama Yirusalemi takok ngua irr külenang, ano Yirusalem tenla kidang shishilembartem menden ajakmeküpdkja aridokaka, Pa anema nokdaker shinga mali asü. Iba ama takok anguba anogo nungbo nütsüngtem ajak temulung tulu, tasü tait aser temulung lemteetsüba purtem amai dang liasü. Aji oda, anogo ishika sülen parnok ajak külemi temaba takdang ka nung kümtettsü benjong achiba mapang, Yisui Pa nütsüngtem dang parnok rongnung kati pa ashioctsütsü ta ashi dang, nütsüng shia jagi, "Kibuba, nibo na mashioktsütsü," ta nangzük. Peteri balaka, ajaki Pa toktsüaka, paibo tatem tashi pa sülen anidaktsü nangzük. Iba aonungjibo, takok manung temaba takdang nung benjong alir asünungji, nütsüngtemi parnok jakdang aruya aliba timtem aser tatiwang indangji kenyongi parnok mulung nung tebilema mebilem. Parnok ajakji Kibuba den temulung lemlema shisamebului, iba mapang amajisa teti alitsü amai bilema liasü. Ajisüaka, kodang Gethsemane atsüki nung parnok nütsüngtem rongnung kati parnok Kibuba Yisu Khrista ashioctsü aser Yihuda nunger telok tulu kati Pa pua bener ao. Idangjibo, anogo ishika jakdang, Yisu tenüng tushia 'Hosanna' ta ayimtenertem to kata mali asü. Iba mapang nungbo Yisu jakdang aser Yisu anasa nokdakner nütsüngtem shinga mali asü. Yisu Khrista sülen, nükpoker, tsüngtsüker aser shirangertem anepja senzüdang aser ango ana aser amtsük pongo agi nisung meyirijang pongo dak tali tebok sünga chiyongdaktsür anüngba anogo aser mapangtem nung nütsüngtem shinga mulungjang nunga kenü anogobo parnok dangi iba ama tetsübu aser lendong timtem arutsü ta tebilema mebilemi liasü. Alima nübortemi Yisu Khrista pur mezüngmeshia kangki nung angenloktsü tashi ataloktsübaji parnoki kenyongi mebilemba mapa ka liasü. Ajisüaka, Yisubo parnok dang jelia shiadokba o ka asenoki Yohan tapu 15:18-21 nung shia angutsü. Iba Lai nung Yisui Khristai Pa nütsüngtem dang alimai Pa dang masü saka parnok ajak sempatsü aser reshikangtsü ta shia angur. Iba kasa tiaji iba aonung Gethsemane nung Yisu pua bener aoba mapang nungi nütsüngtem dak atalokba asenoki angur. Iba kasaji, asenok dak timtem matalokdang mesüra tatiwang majorudangbo, asenok ajak ya Yisu nütsüngtem kecha shisabolu maka, nümadangtetedangteta temaba takdang nung Kibuba den külemi benjong chiyongerang mesük. Asenok ayongayonga tenla kidangi aodang mesüra sarasadem mapang agidangbo, asenok ajaki Kibuba Yisu kodang medoktsütsü amai bilemer aser tangar danga sayur. Ajisüaka, kodang senotsü tsütsü tatiwang arur, asenokib Yihuda Iskariot dang nungi jenjang teimba agi Yisu ayoker. Aji oda, kodang ajak atsüngzüka orr, Yisu Khrista atalar dang kümdir, idangjibo asenoka Peter amai kodanga sentepi moudang ama, kodanga sarasadema mesüdang ama aser kodanga temulung meyipa kuli mesüdang ama akümer. Atangji, Yisu Khrista nütsüngtemi dena Pa dena ashioctsütsüsa mesüra Pa toktsütsüsa ajuruba tiaji asenokia metizüktettsü, Iba Kibuba Yisu Khristai meteta lir. Iba lagi Pai jelia asenok kümdangshidaktsür. Iba o ji asenoki tenoka angara, asenoki timtem, lendong aser tatiwang ajak tizüktettsü. Iba tashiji angudak asen den teyarir teti dena lir, aji Ochi tanüla aser iba tanülaji asenok dangi yoktsü Yisui nangzükba asenoki Yohan 15:26 nung angutsü. Iba teyarir tanüla lagi asenok tasü aser tashi itdaktsür. Iba Ochi tanüla tashi nung asenoki meimlaba takok, temoatsü, tanepstsü aser tesünep angutsü.

# OLEMSABANG

## Temoatsü dang meshiba sarasadem

~ P. Renty Jamir.

(Yashi adok nungi...)

Aluyimer aiatai alu wadang nung okronger Yipru mopung ajaki merenshir Shisabulu agi neneta okroka anener Aluyimer takümji ali nung taso mashi Asen Aortema moatsü Tsüngremming metsüngareta munga pastor seniortem jaoka temoatsü meshizüka sarasademdaktsüti ta süra parnok sarasadem onük tajemdaktak akatsü tang nungibö yim ajak nung putu yimsürtemi kibongshia alu tilalabo achitsü ozüng yanglutsüla süra yi ayoker ajemer mozü ayoker achir alima raksartem ya ajema akümtsü. Kechiyong item ya azümesen tejangtem lir. Kechiaser shisa takarjagi chubajia alujagiang mesür Sayu-5-9 ta ashir onok yimer kati taküm 2024 alu tilaka achi, yangji atentsü Tsük metsü tin ka yim ajak nung bushir mang. Tesü Mongsenyimti yimdak Kibong kati temeim agi tsük tin ka sen 300 agi ayok. Aser yamai ashi ta ashir yasürbo sen 1000 agia talitsü mangutsü. onok nübu junger asüdang tsük yimchi ka sen 2.50 agisa aliba bileynteter. Aser tanü asen Aoer tia Yakober chirtem Kanan li nungi Ijip lima-i tsük alitsü aluba den to medemdanger.

Ano tanabuba lokti senden meshitetja sarasadembä Naga nungeri sarasadembä ya onsara agin Nagaland peace Mission Director Dr.Arami züluba Peace in Nagaland kaket nung yamai zülu Ni anguba Naga nungeri lokti senden ajak nung sarasademer tang tenzüker. I have noticed that every meeting in Nagaland began with a prayer. Mapabo memeshi Tsüngrem nungibö temoatsü tuluka imlar. This deeply religious character is a sign of great hope. Süra pastortem koba amala nungsa sarasademi aoba tajangzük tuluba asütsü. Tamalen Mokokchung nung Cinema Hall semzüktsü pastor sarasademi aoba kari maotsüla ta ashishitepa zülutepba asenoki züngogo. Yisu amangertem kotak nung aliba tebu Tsüngrem dang sarasadembä ya zülioli ka masü Yisui yamai sarasademang ta sayu kotak nung aliba obala our Father in heaven Iba tetezü Tsüngrem den shiotepe pa tonga otetsü asoshi iba ya tesüngmangtsü tetemsü o ka lir. Aser tanga tamangba yimsü kecha nunga mangur "An amazing combination of reference and familiarity in our approach to him. This is not available in any other Faith". Sarasadembä ya atamata ka masü Tsüngrem dang asen nüngdak temoatsü meshizüka aji atalokdakjang ta mepishiba lir. Anungji samesa ka nunga yimya tentet kuma pastortem mejaoktsüla aser yamala nung aotsü maotsüla khen arokroka shisadangdi.

Tang India nung BJP governmenti Khristantem tali reshikangshir. Item reshikangshia timtem agütsür rongnung tongtiba kaji Assam Chief Minister Himanta Bishwa Sarma lir. Assam nung Khristantem dang koba tia nung lir asenoki anogoshi osang kaket nung angur. Assam lima-i England America nunger tourists arurtem dang na sayutsungir tasür senchi tulu achiba Missionarytemi Iapokba School aser tenla kitem nung temaitsü enokba ajak raksatsüba sarasademsü nokdangba süra Assam nung Khristian anemer tulutiba Himanta Biswa Sarma ya Nagalandi par party atema canvassing aru nung koda asütsü aser aji tarutsü kechiaser kasa party government asünung election nung yamaji yariteper asenok minister MLA tema kidanger BJP government Manipur Arunachal Assam statemi aotsü. Süra tang Nagalandi NNDP BJP candidate ya adokdakjang ta Sarmaba ali atashia Helicopter nung arua function tulu ayongzüka temoatsü meshia Baptist pastorba jaok pa taodang kümzüka len aniang ta Revival pastorba sentong nung jaok tena aotsü asü maotsü. Assam nungbo pai sarasadem mesüdaktsür, telangzüba tenaprongla tama tesü raktepa aotsü teti aor nung koda. Modiba aru nunga aotsü Modiba governmenti tanü India nung Khristantem reshikangshiba ya Naga nunger Khristantem aria mebilemtsür. Anungji ya khen arokroka shisadangtsüla ta bileynteter.

Yaküm atalokba February ita 2023 nung asen Chief Minister par party nem vote agüjang ta canvassing aru. Function tulu lia parnok adokdakjang ta pastortem temoatsü meshizükja sarasademsür yok. Saka election temer nisung dak azükba mejungi yirutsüba mozuki balalai Shillong Guwahati tashi tanüptsü bushia aoba arogopur aika liasü. Aiatai koda asütsü item tanüptsü nüngdaka aliba kibongtem dangi pastor toklang tenzüker Deacon temi sarasadem ludentem shinga sarasademsü aoba mali asü. Süra sarasadem ya temoatsü dang meshiba sarasadem asü timtemer tanüptsü meshitsüba densema asütsü onok nem kokdakjang temoatsü kua moajang tabo raktepa sarasademsünür yiruba zübu anüpjang teraksa yanglushijang ta sarasadembö mesünür tang asen Aor temoatsü meshizüka moatsü Tsüngremming shi aser yi benjung masü Lumia özü lima atakatem agienjang ta menamia pongtokba amung amungtsüla.

Aluyimer sen paika auyabaj i aser süpokrem agibaji menamia ta bileynteter. Arogo nung pastortem Tsüngrem nungi taochi magiendang pa terasaba marudang özü lima teraksa madak teraksa tia nung arogotem aser nübur tulu tila na tanelas aser shi nung yirua aliba zübu anüpjang ta sarasademsü mapang tongja tongoko. Yamaji mesütetra tanü asen lima nung tanelas tekümet asoshi tzüraseta aliba tamangertem aser timtema shi temang nung tanüptsü aginüa yongyartem ajaki sentsüprang RCC tenlaki tuluba memunungratsü. Saka yimti tezülen aliba sarasadem kitemsa (prayer Home) bushitsü kong parnok tanelas tzüra atemer aser shi temang timtemba tanüptsü angur.

**Iba Olemsabang nung lemsaba ken-o aser shisatsü ya iba ocet züliuri  
bilemba ken-o ama tazüngeri angateta agitsü mepishir**

## Kenyanung Muslim nungeritamangerka tepset,karyirutsü

**Nairobi, Metsüremi/March 23 (Agencies):** Muslim yimsü ajang-ajanga amshirtemi March 8 nü Kenya aser Uganda arütsü anasa Kenya nungi evangelist ka tepset aser Uganda nungi dangar asem kanga sashia yirutsü, ta osang ajanga ashir.

Tamanger par pezü ya Kenya nung anogo pezü Tsüngrem mapa inyaka jajar Uganda nung aliba Bugiri tesemi meyipa shilangba mapang Busia, Kenya anasa iba lendong ya ajuru. Muslim nunger nisung ter shi arua nikongdang 6:30 ako meta parnok indang motorcycle jakdang long yutsü, ta iba lendong nungi takum jenbur evangelist Rooney Masaba-i ashi.

"Lendong agütsür temi onok dang tasüngdangba aika asüngdanga liasü aser moapu nung sayutsüngiba mapang Muslim nunger medendaktsütsü ashi," ta Masaba-i Morning Star News dang ashi.

Evangelist temi parnok dang parnok ya Islam anema jembiba masü aser Khristanpuri Muslim nunger dak tenük yokba masü saka Yisu Khrista indang osang tajung sayuba dang lir ta rasa ashi. Iba campaign mapang tamanger lenirtemi anepdang kibok sema jaja aser nikongdang

moapu nung sayutsüngia liasü, ta pai ashi. "Kibok sema mission mapa inyaka jajaba mapang külem Muslim nunger aser talisa parnok kinungertem yimsü melenba atema mepelar ta ashi. Iba yongji jembishinü tera tesashiba akum aser idangjisa Muslim nunger kati Ismail Wafula dak tekong, teko aser tepok nung kotari agi atsüng aser tekolak nunga kanga sashia yirua liasü. Idangji pa azü yima ali nung ondak," ta Masaba-i ashi.

Dangar temi parnok indang Laishiba shisatsü aser onok dak züka merenshi tenzük, ta pai ashi. "Onok tekangshi nung ayimtena teyari meshia liasü. Tia kaa gari ka aru aser anasa alir nisung kar aru," ta Masaba-i ashi.

Onok dak züka merenshirtem jena ao aser teyarir temi anasa aliba mozü kidangi anir ao, saka Wafula süogo ta sangdong. Wafula ya Islam nungi Khrista dangi temulung meyiper arishi küm 30 tain ka liasü, ta Masaba-i ashi.

Iba osang züluwa mapanga arishi küm 32 tain Martin Senkubuge yabo mozüki nung temang anepalua munga liasü, shiba tekolak aser tenük külen yirur temein abelen

sükdanger lir, ta ashi. Arishi küm 28 tain Masaba aser arishi küm 26 tain Ruben Were nungera tera yirur liasü.

Parnoki yamaji sayutsüngia jajaba mapang Muslim nunger aika Khrista dangi temulung meyip aser yangji tejangja nisung ana dena liasü, shirnok tawa ang Mecca-i temeshi aini orr arua liasü. Parnok rongnung tetsür taka-taiter ka liasü, shibai Busia tesem nung Islamic inyakyim yaria liasü, ta Masaba-i ashi.

Taoba mapanga parnok dang Muslim nunger lenirtemi sayutsüngia mejajatsü tekumdangtsü shia liasü.

Arogo lenirtemi police nem osang agütsüogo aser bushisüngdangba mapang lir, ta pai ashi.

Busia, Kenya nungi Wafula ya taoba mapang Muslim liasü aser Bugiri nungi evangelists asemi sayutsüngia jajaba mapang 2021 January ita Khrista agizük.

Pa December ita Uganda nungi iba evangelistic team nung aden aser March 8 nü iba lendong ya ajuru aser pa

ya Islam indang tsükchir aser ashikülaker ama lendong agütsür temi tai tonglokja liasü, ta Masaba-i ashi.



Rev. Dr. L. Noksangchila taküm piyong Tsüngrem tenzükba asoshi la nem akhüm agüja yangluba la kürakyanglu ka Yaongyimsem yimtak March 22, 2024 nü Yaongyimsem Baptist Arogo nung taoba sannüker Rev. C. Allem-i tebu, techir aser tanela Temeshi tenüng nung sayatsüogo. Iba kürakyanglu ya Yaongyimsem Tetsür Telongjem Dimapur-i yanglutsüba liasü.

(Yaongyimsem, March 22, 2024).

## ANOGO ABEN TSÜNGREM DEN

### NE AIN TASHI JAGI ONOK ANIANGMA

Saka atendanga otetba ainji onok meyong masü, saka aji Tsüngrem meyong ta sayutsü asoshi iba senti rongsenji onok ali po nung rizünga kar. 2 Korint 4:7

Iba Lai O nung Tenyar Pauli ali po nung senti rongsen indang shia angur. Pai shinübaji meimchir taküm kaji ali po den medemdanger, saka iba ali po nung senti rongsen rizünga kar. Shirnok dak Tsüngrem ain tashi ka-a lidir tekangshi, ratamata ajuruaka, züka merenshia reshikangshi ajuruaka, item tia tensa ajak nung atendanga otetba koba Tsüngrem meyong lir Pai yaria takokba agütsür. Ali po koba kenübo raksatsü ibaji asen taküm den medemdanger. Saka tamang agi senti rongsen rizüngertembo senmang tajung yutsür aser tatem nung pei mapa yari o bendang ajurudang Tsüngrem tsüngdang nema danga nokdaker pei inyakba yari sempet tulu angutsü. Asenoka iba temoatsüji angutsüsa amangteta lir ma?

Asenok iba lima nung tatsüka alidang kanga dang shisa ka-a pa dak amangtsü tim. Küm aika amanga arur alima tashi nem kokdakja temenen yimya balala benshia temenen mojingang peladaktsü nungbo tesama tulu ajurutsü. Iba lima tongpang balala den rara-a aotsü atema tamang agi Tsüngrem nungi ain tashi ka ngua alinung dang iba lima nunga taso shia alitsü aser tarutsü asoshia temoatsü, takok aser teimlaji asen meyong asütsü. Asen mulungjang ajak Tsüngrem nem agütsüra, asen nüngdak ajak pai ataloktsütsü.

## Indonesianung Muslimnungerikidangtekülemsentonganendaktsü

**Surabaya, Metsüremi/March 23 (Agencies):** Indonesia anüolen Muslim nungertemi kidang teküle sentong agiba anema nokdakba mechii March 17 (Deobar) nü pastor kati teküle sentong asoshi lar ki amshidaktsüba anendaktsüsa akum.

Java Island nung aliba Saga Bunar, Balaraja Sub-District, Tangerang Regency, Banten Province nung teküle sentong atemba sülen Muslim nunger telok ka adensi, ta Balaraja Police Chief Badri Hasan-i ashi.

"Teküle sentong atemba sülen iba ki ya teküle sentong asoshi amshiba nung tai pua nisung telok ka adensi, ta Balaraja Police Chief Badri Hasan-i ashi.

Police tem arua nisung yabo senshidaktsü saka X (Twitter) nung video ka prokshiba nungbo police aser dangartem takdang ka nung liasü aser pastor Kinerinda-i agreement ka zünga liasü, ta ketdangsürtemi ashi.

"Tanü nungi tenzüka ni aliba kidang tamangba yimsü indang sentong mesüra teküle sentong malitsü," ta Pastor Kinerinda-i video nung ashi aser iba sangdong ya

shingaia merenshia agütsüdaktsü masü ta ashi. Indonesia nung iba ama agreement nung item ojang amshiba ajanga tamangba yimsü tsütsü nütsüng tajemba alirtemi okadaki aoba nokdanger.

Teküle sentong atemba sülen iba ki ya teküle sentong asoshi amshiba nung tai pua nisung telok ka adensi, ta Balaraja Police Chief Badri Hasan-i ashi.

"Teküle sentong asoshi temelaba maliba ajanga iba ki ya amshia liasü ta iba tesem nung alirtemi ashir. Yangji alirtemi taoba mapanga anema nokdak. Saka nibo tang ang meteter," ta Naipospos-i ashi.

Ki kiburi lar ki ya teküle sentong agitsü asoshi küm ka amshidakja aru, saka police temi iba ken o bentetsü asoshi "relevant stakeholders" dangi aben ta ashir, tetetzü yimti ketdangsür aser tamangba yimsü lenirtem asütsü, ta Badri-i ashi.

Setara Institute for Peace and Democracy indang

Indonesia nung jurila teküle agiba mela lir, saka nisung aikati Islam nung anogoshi sarasadembang indang ya dang züngshir, ta pai ashi. Alima nung Khristanpur alitsü asoshi linük tamajungtiba 50 indang Open Doors ajanga asadangba 2024 World Watch List nung Indonesia ya jenjang 42 buba nung lir.

**AO OSHI ANGAZÜKDAK:****TANÜ ANGAZÜKTSÜBA OJANG****Sübokrem**

(n) langka tajangzük ka atema miima sen mesüra sempet agütsüba mesüra agiba (bribe)

\* Sübokrem agütsür government mapa angurtemi mapa makoker.

**Süchia**

(adv) nisungpu memeteti tasü amai akümba (faint)

\* Osang tamajung angashidang nisung aika süchia aoer.

**OLONG PAITEP # 6736**

1		2		3		4	
		5		6		7	
8							
		9					
10							
11							
12							
13				14			
15				16			

**TIPLÉN**

- |  |       |
|--|-------|
| 1. Anenzükdak ki                             | - (5) |
| 3. Asür mangyimba                            | - (5) |
| 5. Temulung nung shisadang                   | - (5) |
| 8. T ___ lu                                  | - (3) |
| 10. Takdang temalen                          | - (9) |
| 11. Tesa ___ a                               | - (3) |
| 13. Ajungbena temulungjang tongtonglatsü atu | - (5) |
| 15. Tejen lai nung tesayur                   | - (5) |
| 16. Tsüngsak-mopung                          | - (5) |

**LANGTSÜNGLEN**

- |                             |       |
|-----------------------------|-------|
| 1. Reprangdaktsü            | - (4) |
| 2. ___ ur                   | - (3) |
| 4. Kiojen yangludak         | - (6) |
| 6. _____ ait                | - (7) |
| 7. Nagaland nung ayong ka   | - (5) |
| 9. Küm kasa purtem          | - (5) |
| 10. Tetsüng tajemetdak      | - (6) |
| 12. ___ adenshi             | - (4) |
| 14. Tsünüsénbongtsü adokdak | - (3) |

**OLONG PAITEP # 6735 TELANGZÜBA****TIPLÉN :**

- |                                     |  |
|-------------------------------------|--|
| 1. Tesüngjem, 5. Tetemsü,           |  |
| 6. Oru, 8. Rür, 9. Ozü, 11. Lemjem, |  |
| 14. Anü, 15. Longkak,               |  |
| 16. Ashikülak.                      |  |

**LANGTSÜNGLEN :**

- |                                 |  |
|---------------------------------|--|
| 2. Entsü, 3. Mersü, 4. Otia,    |  |
| 10. Zünga, 12. Jakla, 13. Maka. |  |

**KHEN SHISADANGDI****TZÜMAR-TEM NAGA NUNGER KHRISTAN-TEM MESUZÜKTSÜ SENTONG YANGLUR**

**Rajesh** : Ohoii... Tembar-tem Naga nunger Khristan- tem Hindu tamangba yimsü dangi meyipdaktsütsü atema asenokbo tasa kar atongdi arungjong... ??? Kechi komala tasa ka agi parnok mela-mela akoktsü...??? Pei tebilembera shidangangjo...???

**Kumar** : Ena....Asenoki India nung inyakba amai tashiyim amshia inyakba agibo parnok kodanga makoktsü...Saka parnok akoktsüba tasa tajung kaji sen agütsütsü... Sen agibo parnok mela-mela mesuzükettetsü...Anungji sen dang lemtsüdi.

**Prasad** : Shitak ako... Asenoki parnok dak tashiyim amshi nungpo... Meyiper asenok-ang talitsü majungtsü... Saka Naga nunger mesuzüktsü atema hadir tajungtibaji sen... Nenoki Hindu yimsü dangi meyipra 'SEN' agütsütsü... ta shia Election nung sen alemba amai merijang ishi-shi lema aonung... Oda Revival sentep telidak nunga oa lema aonung ajunga sen nungji metsüdaker alangtsü nung koda...!!! Anungji sen agi dang mesuzükonyoga aotsü ta ajang-ajanga bangzunga yudi.

~ L. Kika Pongener.

**Mizoram nung drugs aika apu**

Aizawl, March 23, 2024

**(Agencies):** Mizoram kubok Champhai district nung Excise and Narcotics Department-i Honibarnü Methamphetamine aika puogo.

Bulfekzawl aser Sesih yimtsüngtem tsüngda Excise and Narcotics Department ket d a n g s ü r t e m i Methamphetamine 10.100 kgs (1,01,000 tablets) apu.

Ketdangsüremi K. Lala (44) aser Roluahpuia (32) na ket nung drugs apu. Tenati drugs shibelenba Mahindra XUV 500 gari ka apu.

Narcotic Drugs & Psychotropic Substances Act, 1985 kubok tena anema ken o benokogo aser tena odakaki anir ao.

Assam Rifles-ia March 18 nü Mizoram nung Rs 16.87 crores shi alang heroin, foreign goods aser kozüjangtem apu.

Champhai District kubok Indo-Myanmar Friendship Bridge aser New Hruikawn, Zokhawthar nung mita aodang AR sepaitemi heroin grams 2393, yi aser cigarettes dena foreign goods aser kozüjang apu.

Iba dak sendakba nung AR sepaitemi nisung 2 apu.

**MULUNG NEN O**

Aso - 23rd March, 1923

Asü - 16th March, 2024

**ASÜR MANGDAKYANGBA (MANGMETONG)**

"Arishi talang agüja ni pa jangratemda ktsütsü aser kü tekümtet pa dang sayutsü." T. Ken 91 : 16.

Onoki teti meima aliba Obala aser Obula akümlü arishi küm 101 Tsüngremer temoatsü nung lia arur mapang tetemsü nung iba akümlü tembunga Kibubai jar aoba mapang özü mangyim jashi tia nung alidang, kija, kibong, Arogotem, yimer yimsanger, adianutem, lokti palala aser tembartem ana aser talang nungi shirnokisa sarasadem den nübü, rongsen aser shisatsü agi yariogo nenok ajak dang temulung ajak agi pelaba lemsateper.

Nenok aria bilembera temeim mapa tajung asoshi asen tulusang Tsüngremi maneni moajangma.

-Temeim Chirnurtem, Semchirtem, Anükapang aser Kinüngertem.

**Taoba sorkar ketdangsür kati BJP MLA den tokteptsü**

Itanagar, March 23, 2024

**(Agencies):** Arunachal Pradesh kubok West Siang district nung taoba sorkar ketdangsür kati tang teinyakdak BJP MLA den tokteptsü.

Taoba sorkar ketdangsür Pesi Jilen-i National Peoples Party (NPP) nung denogo aser pai Liromoba Assembly constituency nung tang teinyakdak BJP MLA Nyamar Karbak den tokteptsü. Karbak-i tesüiba küm 12 tashi yimsü süa arur.

Jilen ya taoba mapang Under Secretary inyaka liasü aser pai yaküm voluntary retirement agia liasü.

Arunachal Home Ministry Advisor Karbak-i constituency

National People's Party (NPP)-i constituency 60 nungi 30 nung tokteptsü osang metedaktsüogo.

Arunachal Pradesh nung NPP-i tongtipang shilem agütsü aser takok angutsüpür candidate tem dang shimtsü, ta NPP lennir James Sangma-ashi.

Arunachal Chief Minister Pema Khandu-i Karbak nem minister menden agütsütsü ta nangzüka lir.

"Onoki Arunachal nung BJP sorkar nungita yaritsü aser Chief Ministerial candidate atema Pema Khandu pusemer" ta paisa ashi.

Arunachal Pradesh Assembly elections atema

**Kangpokpi district nung EVMs/VVPATs randomization asü**

Imphal, March 23, 2024

**(Agencies):** Manipur nung tensa süngjema akümba agi Kangpokpi district nung Lok Saba elections atema maparen inyakdar.

liasü.

Iba mapang National aser State recognised political parties nungi teshimtet nübotem aden.

District Election Officer (DEO)/DC Mahesh Chaudhari,

asem- 46-Saikul (ST), 50-Kangpokpi aser 51-Saitu (ST) atema EVM aser VVPATs randomized asü ta EVM/VVPAT Management Nodal Officer-i ashi.

Iba sülen recognised National aser State political parties nungi teshimtet nübotem den osang lemsateper aser EVMs/VVPATs ajakji strong room nung ayu.

Manipur nung Internally Displaced Persons (IDPs) atema Special Polling Stations teimitbaji Kangpokpi District nung lir.

Manipur nung April 19 aser April 26 anogotem shilem ana lemsar polling asütsü sentong lir. Honibarnü District Commissioner (DC) Office Complex, Kangpokpi Headquarters nung Electronic Voting Machines (EVMs)/Voter Verifiable Paper Audit Trails (VVPATs) mezüngbuba randomization maparen inyaka

Assembly constituency

## Moscow nung prangbong bena alirtemi nisung 115 khaset



Russia yimtiba Moscow tezülen Crocus City Hall nung mi tulu jangrua aliba noksa nung angur.

**Moscow, Metsüremi/March 23 (Agencies):**

Prangbong bena alirtemi Moscow nung aliba concert hall ka maka nisung 115 tepset aser 100 dak tema yirutsü, ta Russian security services ajanga ashi.

Moscow north-west tsütsü Krasnogorsk tesem nung iba lendong agütsürtem ya mitkar indang uniform nung arua liasü.

Honibarnü nisung 11 apuba nungi iba lendong nung indang indanga dena alir nisung pezü lir ta ketdangsür temi ashi.

Crocus City Hall nungya rock concert ka agitsü lia prangbong bena alirtem iba ki telungi ait.

Iba sülen ki tuluba mi adoka arong aser kilem shilem kar tsük.

Asürtem rongnung tila tanurtem dena lir ta ashir aser Russian foreign ministry ajanga iba kiralongra mapa aitsüogo.

ISIL indang Afghan branch shirnok dang Islamic State in Khorasan Province, ISKP (ISIS-K) ta ajar, parnoki Moscow nung iba lendong agütsüba tenüng agiogo.

ISIL yagi noksa ka parnoki indang Telegram account nung lemsatepba nung Moscow amaker noksatem sayua liasü.

Iba tesem amakba ya ISIL aser Islam den raraba linüktem tsüngta rara nung shilem ka lir, ta ISIL ajanga sangdong ka nung ashi.

IS ajanga Russia maknúa aliba itdangiter temi laziuka ita agüja liasü.

tetenüklen Moscow dang tekumdagtsü osang agütsüogo, ta White House ajanga ashi.

Lendong agütsürtem bushitsü atema special units tem yoka lir, ta Russia indang National Guard-i ashir. Russian ketdangsürtem Krasnogorsk yagi ogo.

Hopta ana tejakdang US embassy ajanga US senso dang lokti tulu adenshia alidaki maotsü tekumdagtsü shia liasü. Hokulbar nikongdang parnoki US senso dang lendong atalokba tesem leni maotsü shia liasü.

Picnic ta sur rock ken atenba telok kati concert agütsüba reprangtsü atema Russia nunger nisung 6,000 dak tema Crocus City Hall nungya adenshia liasü. Iba kentener telok sapang-i arutsü minute ishika lia iba lendong ya atalok.

Crocus City Hall amakba ya kiralongrartem tazü mapa lir, ta Russia Tir Vladimir Putin-i liniuk den jembidang ashi aser March 24 ya linük mangyimba anogo asütsü sangdong.

Putin-isa asükhü lemsatep aser emergency services ajanga kera telangzüba agütsüba atema tenüngsang agüja liasü.

## Office of the

## MOALENDEN TETSÜR TELONGJEM

Dist. Mokokchung – 798601, Nagaland

### KONANG TETUSHI AGÜTSÜR



**Kr. Imonenla** D/o Mr. Imitemshi Longkumer aser Lt. Sashimenla Jamir, ajanga Nagaland University kubok, Master of Arts, Political Science course 2023 tatidang nung Gold Medal award anguba asoshi jala nem Moalenden Tetsür Telongjem ajanga konang tetushi tulu agütsür.

Tsüngremi ne shisaluyimba wadang nung maneni tematiba jenjangi aniang ta sarasademtsür.

Sd/-  
Temsumongla  
President

Sd/-  
Tiasola  
Secretary

## ARISHI KÜM 100 AJUNGBA TENÜNGSANG



Tanü 24th March 2024 anogo tsürabur **Mrs. Lemdongrenla**, wife of Lt. Rev. Aosenba (Changtongya) küm 100 tashi arishi talang moatsüba asoshi Tsüngrem nem tenüngsang agütsür. Taküm arishi Kibuba meyong lir, ano la taküm arishi akhüm nung kinunger ajak maneni moajang ta sarasademtsür.

**Chinur & Semchirtem.**

## DIMAPUR AOLI LONGCHAR KIDONG LOKTI SENDEN SENTONG

Anogo: 30/03/2024

Mapang- 10:00 ako.


Tesentepdak :- Senyur Ki (Duncan Basti)

- |                              |                              |
|------------------------------|------------------------------|
| 1. Sentong Lenir             | - Mendenpurtem               |
| 2. Sarasademtsü              | - Wb. Aomar, Asso. Pastor    |
| 3. Longchar Kidong ayak otsü | - Wb. Imkongangen Chungtia   |
| 4. Osangtem Agitsü           | - 1. Lokti Osang             |
| 5. O Lemtepba mapang         | - 2. Audit Osang             |
| 6. Melepzung O               |                              |
| 7. Tatem Sarasadem           | - Wb. Sakutemsu, Evangelist. |

### METETDAKTSÜR:

- Iba sentong nung Dimapur Aoli Longchar kidong **süngpu** nungi pati tashi arua shilem agitsü metetdaktsür.
- Agenda kar lira jilia mendenpur ket tongjang.
- Kilen saru** magütsür Yimtsüng ajaki iba sendong matongdang mendenpur ket tongjang.
- Ano Yimtsüng aika register mesüi lir, anungji item yimtsüng shia nungi Executive züngsem **2 anana** shima agüjangma.
- Sentong takok asoshi ajaki sarasadema atadi.

Sd/-  
Temjenchiba Longchar  
President  
D.A.L.K.T

  
Imotemjen Longchar  
Secretary  
D.A.L.K.T



Yemen army-i Red Sea nung America nunger rong 'Mado' makogo ta ashi. Parnoki iba rong indang naval missiles aser Israel indang Eilat region amak ta ashir. Eilat nung rongnendak tesem nung cruise missiles amshia amak ta Yemeni Armed Forces odongtar Yahya Saree-i ashi.

China-i, South China Sea ya timba ka parnok meyong ta shia arudar. International court-i 2016 küm nine-dash line koba dak ajemdaker parnoki tzüyim ya timba ka parnok meyong ta ashir iba ta tamendakdak mali, ta shiogo. Philippines-i parnok tzüküm temeket nung aliba tzüyim ya parnok meyong ta ashir aser kasaji Brunei, Malaysia aser Vietnam-ia shia arudar. China den tzüyim atema toktepertem rongnung Taiwan-a densema lir.

Tensa mejungi küma aoba mapang ka nung Manila-i United States den military tesendaktep atsülangshiogo. United States-i tzüyim ya parnok meyong tabo makhanger, ajisüaka iba tzüyimi Navy rongtem transit mission balala atema yoker, koba parnoki "freedom of navigation" operations ta ajar, ajisüaka iba inyakyim ya China-i aija arudar.

United States-i tzüyim ya parnok meyong tabo makhanger, ajisüaka iba tzüyimi Navy rongtem transit mission balala atema yoker, koba parnoki "freedom of navigation" operations ta ajar, ajisüaka iba inyakyim ya China-i aija arudar. US Secretary of State Antony Blinken-i taoba hopta Philippines semdangogo aser

Unaizah May 4 rong ya iba ita tetenüklen Second Thomas Shoal nung China indang Coast Guard temi water cannon amshia raksatsüba sülen tanaben amshia liasü. Iba rong ya Philippine coastguard rong ana aser Philippine Navy rong anati miner oa liasü, ta Philippine military sangdong ka ajanga metedaktsü.

South China Sea atema Philippine Coast Guard otongdar Commodore Jay Tarrieli-i ashiba agi, Honibarnü escort rongtem rongnung BRP Cabra rong ya China nunger indang coastguard rong asemi meketbanga ayu.

Iba ajanga Cabra ya resupply rong nungi piladaktsü, koba Chinese maritime force tem inyakyim ajanga lir, ta pai shisem.

China nunger Coast Guard temi Convention on the International Regulations for Preventing Collisions at Sea (COLREGS) hau ta maliba sayuogo, ta paisa shisem.

# 3buba North East Games 2024 : Manipur-i over all champion benogo



Tsuchoi T



Venuzu

**Dimapur, Metsüremi/March 23 (TYO):** Manipur-i 3buba North East Games 2024 koka iba asayamung tasembenbuba atonga kokogo. Iba asayamung ya Nagaland-i ayongzüka March 18 nungi 23 tashi asayaogo.

Manipur team-i ajak senteper medal 130 angu, kong gold medal 52, silver 38 aser bronze medal 52 densema

liasü. Manipur sülen Nagaland team-i gold 48, silver 42 aser bronze 44 densema medal 134 angu aser parnok tanabuba jenjang nung liasü. Tasembuba jenjang nung Assam liasü. Parnoki ajak senteper medal 139 angu kong gold medal 43, silver 44 aser bronze medal 52 densema liasü.

Kasa mapang nung Sikkim nem Fair Play Award aser

Tripura nem Spirit of Olympic Award agütsü.

Nagaland nungi Venuzo Dawhuo nem Outstanding Sports person (Men) award agütsü. Pai asaya balala ana nung gold medal ana ngua liasü. Nagaland nungisa Tsuchoi T nem Outstanding Sports person (Women) award agütsü. Lai gold 4 aser silver 2 ngua liasü.



Asayamung shibangba sentong nung World Alysh Federation Tir Adilet Bayaman Uulu alakteta jaoker liasü. Pai belt wrestling ya Roman civilization mapang asayaba asaya ka aser tanübo continent ajak nung asayar ta ashi. Belt wrestling tang mezungbuba Nagaland nung asayar aser north easter India nung ki tasen ka nguogo, ta paisa shisem.

Federation-i teyari agütsü atema renema lir aser iba asaya ya 2026 Asian Games nung benoka asayatsü inyaktepdar, ta Bayaman-i ashi.

Iba asayamung nung North East kubok state ti nungi asayar 3000 dak tema asaya 15 nung asayaogo. Iba asayamung ya Chumoukedima, Dimapur aser Kohima district tem nung asaya liasü.

## Arkong Ward-i 5 Buba Mokokchung Inter-Ward Football Tournament takok marok benogo



5 BubaMokokchung Inter-Ward Football Tournament tarok marok abener Arkong Ward pur den tournament ayonger Marepkong Youth Association külemi tangokba noksa angur.

**Mokokchung, March/ Metsüremi 23(TYO):** Marepkong Youth Association-i (MYA) ayongzükba 5Buba Mokokchung Inter-Ward Football Tournament tanü final asaya nung Arkong Ward-i goal 3-1 agi Artang Ward koka takok marok benogo.

Tanü iba tournament final asaya metenzükang sentong tatsüka agiba mapang tetushi tejaoker Mokokchung Deputy Commissioner Thsuviesie Phojii asaya balala asayaba mapang nung asayartem asoshi memetettepi aliba asayartem den temba akümtsü mapang tajung lir, iba den külemi asayartem asayaba ajanga kati ka den temba yimtepa yimjung yangluba ajanga alima nung yim kadaktsütsü asoshi lenmang sadema lir ta asayartem ayongzüka ashi.

Kasa sentong nung Asst. Commissioner Sanjeev Kumar ajanga Nagaland nung April 19 nü Naga nungertemi pei-i junger ta temelung lemtetba nübu yimsütsü asoshi shimtsü, anungji vote agütsü temeden akaba purtemi shisa kaa lenir

shimtsüla, Nagaland nung anisüngzükba mapang agi. Lenmang majung aser nübur nungtakba aika agi tangar memenepi lir, anungji nenoki nenok meyongnem tashiji amshia Nagaland nung temelensi bener arutetsü lenir shimang ta ayimokja ashi.

Sentong nungsa 5 BubaMokokchung Inter-Ward Football Tournament convenor Bendangnukshi-i tepela o jembi aser Sentimenlai ken ka tena sentong tobur jungdaktsüba den sentong nung Tsüngrem lenisüba jazuka Sangtam Baptist Church Mokokchung Associate pastor Youth Yangthrila sarasadem aser Tianaro aser Supongtila tena ketdangsüba nung sentong agia liasü.

Tanü final asaya Arkong Ward aser Artang Ward tsüngda asayaba nung asaya tenzüker second 20 buba nung Arkong Ward nungi jersey no.9 Bendangtoshi-i goal ka metsioksü aser ano Arkong Ward nungisa jersey no 8 Aripong-ia minute 45 temer minute 3 temloktsüba nung minute 47 buba nung goal ka metsükja goal 2-0 sur

World Cross Country Championships: AFI-i asayartrok shimboga

**Metsüremi/March 23, 2024**

**(Agencies):** World Cross Country Championships nung shilem agitsü atema Athletics Federation of India (AFI)-i Honiabrnü asayar trok shimboga sangdongogo.

Iba asayamung ya Belgrade, Serbia nung March 30 nü nungi tenzüka asayatsü.

Team nung Asian Games nung medal angurtem aser national jenjang nung temaba jenjang nung asayartem densema lir, shirnok international jenjang nung tokteptsü renema lir.

Teburtem rongnung Asian Games 10,000m silver medalist Kartik Kumar den bronze medalist Gulveer Singh aser national champion Hemraj Gujjar nunger densema lir.

Talisa Gulveer Singh-i tawa kanga junga asayar arudar aser

pai tebur 10,000m event nung küm16 tashi majateti aliba national record ajatetogo.

Arishi küm 25 tain asayar yagi alizüng 27.41.81 nung tongteta 2008 küm Surendra Singh-i alizüng 28:02.89 nung tongteta national record yanglur aliba ajatetogo.

Ajisüaka pa Olympic atema qualify mesütet kechiyong Games qualification mapang 27:00.00 latetja aliba ya pai second 40 agi memenepei liasü.

Kasa mapang nung tetsürtem rongnung national champion Ankita den Seema aser Anjali Kumari nunger iba asayamung nung tokteptsü.

Asayar tejentem aser sempet tajung aketba lanur asayartem meyokteper tentetba India team yagi Belgrade nung cross-country tetoktepbä nung shilem tajung agitsü imlar atar.



Nagaland Sepaktakraw tetsür aser tebur team 26buba Sub-Junior aser 27buba Junior National Championship nung shilem agitsü, koba March 26 nungi 30 tashi Davangere, Karnataka nung asayatsü.

## BILEMDANGANG

"Tetemsü akümtsü asoshi masü saka tajungba akümtsü atema inyakang."